



大方廣佛華嚴寶懺





大方廣佛華嚴寶懺

普爲施資  
讀誦

回向偈曰

願以此功德 消除宿現業  
增長諸福慧 圓成勝善根  
所有刀兵劫 及與饑饉等  
悉皆盡滅除 人各習禮讓  
一切出資者 輾轉流通者  
現眷咸安樂 先亡獲超昇  
風雨常調順 人民悉康寧  
法界諸含識 同證無上道

佛曆二五四九年（公元二〇〇五年）  
歲次乙酉七月十五日

香港福慧精舍

陳天勳  
吳文捷  
居士合敬印伍佰本

大方廣佛華嚴寶懺

承印：金利印刷公司

九龍官塘工業中心第三期七樓E F座  
電話：二三四四六五三三

念佛一聲 福增無量

禮佛一拜 罪滅河沙

# 佛尼牟迦釋師本無南



天上天下無如佛

十方世界亦無比

世間所有我盡見

一切無有如佛者

南無大行普賢菩薩





大行菩薩稱普賢

重重願海浩無邊

端嚴示坐六牙象

智慧化生七寶蓮

一切三昧皆自在

本來妙德盡周圓

寶威來贊娑婆化

靈感神通震大千



大方廣佛華嚴寶懺

淨壇結界

誦大悲咒三遍  
唱楊枝淨水暫停

香讚

畢  
誦普賢觀章

有一菩薩

結跏趺坐

名曰普賢

身白玉色

各五十種光

光五十種色

以爲項光

身諸毛孔

流出金光

其金光端

無量化佛

諸化菩薩

以爲眷屬

安詳徐步

雨大寶華

至行者前

其象開口

於象牙上

諸池玉女

鼓樂絃歌

其聲微妙

讚歎大乘

一實之道

行者見已

歡喜敬禮

復更讀誦

甚深經典

徧禮十方

無量諸佛

禮多寶佛塔

及釋迦牟尼

並禮普賢

諸大菩薩

發是誓願

若我宿福

應見普賢

願尊者徧吉 示我色身

普賢菩薩

十聲畢  
一禮

一切恭敬

一心頂禮十方法界常住三寶

同一禮  
主者唱云

是諸衆等各各互跪嚴持香花如法供養

至此或合掌或執香花應起觀行依經想云

所有盡法界。虛空界。十方三世一切佛  
刹。微塵數諸佛世尊。一一佛所皆有海

會圍遶。我以普賢行願力故。起深信解。現前知見。悉以一切上妙諸供養具。而爲供養。所謂花雲。鬘雲。天音。樂雲。乃至衣服。諸香雲等。一一量如須彌大海。常爲供養。想已散花。唱云

願此香花雲徧滿十方界。微塵刹土中。供養一切佛尊法。諸菩薩聲聞緣覺衆。

悉成妙香花種種供具雲而常爲供養  
普願諸三寶受此香花雲以爲光明臺  
廣於無邊界無邊作佛事

唱畢起立主者唱云

供養已一切恭敬

同禮一拜

智慧光明如淨日 衆行具足猶滿月  
功德常盈譬巨海 無垢無礙同虛空  
啟運華嚴道場懺法 一心皈命華藏諸佛

南無過去毗婆尸佛 南無尸棄佛

南無毗舍浮佛 南無拘留孫佛

南無拘那含牟尼佛 南無迦葉佛

南無本師釋迦牟尼佛 南無當來彌勒尊佛

無上甚深微妙法 百千萬劫難遭遇

我今見聞得受持 願解如來真實義

大方廣佛華嚴經普賢菩薩行願品

爾時普賢菩薩摩訶薩。稱歎如來勝功德已。告諸菩薩及善財言。善男子。如來功德。假使十方一切諸佛經。不可說。不可說。佛刹極微塵數劫。相續演說。不可窮盡。若欲成就此功德門。應修十種廣大行願。何等爲十。一者禮敬諸佛。二者稱讚如來。三者廣修供養。四者懺悔業



障。五者隨喜功德。六者請轉法輪。七者請佛住世。八者常隨佛學。九者恒順衆生。十者普皆迴向。善財白言。大聖云何禮敬。乃至迴向。普賢菩薩告善財言。善男子。言禮敬諸佛者。所有盡法界。虛空界。十方三世一切佛刹。極微塵數。諸佛世尊。我以普賢行願力故。深心信解。如

對目前。悉以清淨身語意業。常修禮敬。一一佛所。皆現不可說。不可說佛刹。極微塵數身。一一身徧禮。不可說。不可說佛刹。極微塵數佛。虛空界盡。我禮乃盡。以虛空界不可盡故。我此禮敬。無有窮盡。如是乃至衆生界盡。衆生業盡。衆生煩惱盡。我禮乃盡。而衆生界。乃至煩惱。